

之喜實萬恒情白鹿是上瑞白雀合中瑞伏望進白鹿入叙位兩階賜純廿匹綿卅屯布五十端稻二千束共捕白鹿五人各叙位一階枚長一人挾抄二人各賜稻四百束捕鹿處駐使三人水手十三人各三百束進白雀人叙位兩階賜稻一千束進瑞國司及所出郡司各叙位一階又伊豫肥後兩國神護景雲三年以往正稅未納皆悉除免出瑞郡田租免三分之一臣等准勅商量奉行如件伏請付外施行制曰可

〔日本紀略桓武〕延曆十一年閏十一月壬辰伊豫國獻白鹿廿一年正月乙亥美作國獻白鹿賜獲人稻五百束

〔類聚國史七十一歲時〕延曆廿二年正月癸丑朔廢朝雨也甲寅受朝賀美作國獻白鹿略中宴侍臣於前殿賜被

〔文德實錄八〕齊衡三年十二月丁酉美作國獻白鹿放神泉苑

〔文德實錄九〕天安元年二月己丑是日改元為天安元年緣美作常陸二國獻白鹿連理之瑞遣雅樂頭從五位下藤原朝臣貞敏略中散位從五位下橘朝臣岑雄等於諸山陵宣制曰天皇恐美恐毛掛畏岐

山陵爾申賜倍止申久公卿奏久維齊衡三年十月二十日爾常陸國木連理乎獻同年十二月十三日爾

美作國白鹿乎獻禮留進止奏世利如是支嘉瑞波是薄德乃令感致倍物爾非須掛畏支山陵乃慈賜比

示賜倍留物奈利為毛天奈貴喜比受賜天御世乃名乎改天天安元年止須事乎差使天進出天恐美恐毛

申賜久奏詔曰略中略美作國貢白鹿一頭色均霜雪自絕毛群性是馴良足稱仁獸不因仙來在彤庭重

彼遐齡毓于靈囿略中朕之菲虛非可能致唯由宗社垂祐股肱叶贊今欲鍾此休徵不享獨美施之惠

澤偏及萬方宜復美作常陸二國百姓當年徭役廿日就中瑞祥所出重以優矜苦田郡調眞壁郡庸今

年可輸並皆免之

〔三代實錄六〕貞觀四年九月廿七日癸巳美作國獻白鹿